

辛卯修於

辛卯侍行記卷六自哈密西北經吐魯番至新疆省城一千四百一十八里

秀水陶保廉

哈密古稱昆吾後轉爲伊吾

見元和志

漢爲匈奴伊吾盧城屬

呼衍王

范書竇固傳至天山擊呼衍王追至蒲類海

密班超傳將兵別擊伊吾戰於蒲類海是巴里坤亦爲伊吾元和志伊吾軍在伊州西北五百里折羅漫山北甘露川此川卽巴爾庫勒淖爾是唐代尙以山北爲伊吾也今本舊唐地志於甘露川之川字誤作州又於甘字上空一格李光廷漢西域圖考遂謂開元中置甘露州在木壘城東北謬矣

明帝取此置宜禾都尉

漢伊吾城非今哈密城章懷注竇固傳伊吾盧今納職縣伊吾故小城元和志納職縣後漢置宜禾都尉北史薛世雄於漢舊城東築新伊吾城蓋唐之伊州卽隋新城當今廳城左右納職縣在州西當今三堡左右漢伊吾在納職界當今頭堡或二堡地

章帝時復屬匈奴和帝安帝遣閼槃班勇一

再攻取然匈奴屢來爭破城殺將漢末仍入匈奴魏伊吾

縣晉伊吾都尉竝寄理敦煌北界

元和志

東晉時前涼張駿

取其地復置都尉北魏屬蠕蠕文成帝太安二年遣尉眷

攻其城孝文帝太和十二年蠕蠕伊吾戍主高羔子以

城內附後魏置伊吾郡

地形志無杜氏通典云然

旋為鄯善人所據

初鄯

善為沮渠無諱及魏兵所破部落分散

築納職城

元和志胡謂鄯善為納職因名

兩屬於鐵

勒新唐西域傳商胡雜居附鐵勒

及西突厥

北史突厥傳隋初伊吾諸胡悉附突厥又按鐵勒匈奴之

裔初亦屬突厥

隋大業初裴矩以厚利招伊吾吐屯設

典兵曰設蓋突厥所

置

說使來朝煬帝遣薛世雄築新城王威畱戍

裴矩其往經略諷諭

曰為蕃人交易懸遠所以城耳咸以為然不復來競

六年置伊吾郡

隋志無而元和志舊唐志並有

隋亂復臣於西突厥唐貞觀四年其酋舉七城降置西伊

州六年去西字天寶初爲伊吾郡乾元初復爲伊州

元和志東

南至上都四千四百三十里西南至西州七百三十里東南取莫賀磧路至瓜州九百里正南微東至沙州七百里

天山在州北一百二十里形勢與今廳城同

管縣三伊吾

兩唐志並云南去玉門關八百里又云東

去陽關二千七百三十里誤也陽關與玉關同在壽昌縣何懸殊乃爾

柔遠

西北至州二百四十里天山在

縣北二十里柳谷水有東西二源出縣東北天山南流十五里合今廳東北二百三十里沁城北有大天生圈小天生圈二水至城南合納職

東北至州一百二十里縣北俱密山山北正抵蒲類海是今三

堡地

廣德後沒於吐蕃領州者陳氏自唐開元迄宋初傳

數十世或以爲五代時屬仲雲族非也

石晉高居誨使于闐記沙州西渡都

鄉河曰陽關西曰仲雲族小月支遺種牙帳居胡盧磧漢屯用伊吾盧蓋其地也西行入仲雲界至大屯城仲雲遣

宰相四人都督三十七人候晉使者西涉巖磧渡陷河又西至絁州又二日至安軍州遂至于闐保廉按居誨旣渡黨河出陽關西入仲雲界已遵漢人自敦煌至鹽澤之路豈復折還東北向伊吾城乎胡盧磧者哈喇沙也西域此名最多哈密有哈喇烏蘇土魯番有哈喇和卓羅布渚有哈喇庫爾古時統稱胡盧磧非專屬伊吾居誨云蓋其地也是磧中有伊吾屬地未必謂胡盧卽伊吾也伊州有陳氏爲將何來宰相大屯城蓋卽新唐志蒲昌海南之七屯城疑樓蘭衰微小月氏種自南山來有其國陷河卽且末水絁州蓋今卡牆唐元奘自西域還太宗令鄯善迎於沮末至石晉時驛道未盡廢也

雍熙以後并屬西州阿薩蘭回鶻元時稱

哈密方屬火州之畏兀兒

元史巴而朮斤傳

後以封宗室

王喃忽里

明史哈密傳元末以威武王納忽里鎮之尋改肅王然元史諸王表出伯大德十一年由威武

西甯王進封幽王延祐七年喃忽里襲封初未嘗爲威武王若肅王則爲寬徹天祿二年封非喃忽里也宗室世系表喃忽里之叔父曰亦憐眞八的王明史赤斤傳僕英西討獲幽王亦憐眞則鎮哈密者爲幽王哈密傳所云安克

帖木兒未必是
喃忽里之弟

明初稱哈梅里西域回紇來貢者多爲所

遏洪武二十四年涼州總兵宋晟討之

晟傳云去肅州千餘里

禽其

王列兒怯帖木兒

哈梅里傳云斬爾王別兒怯帖木兒其爵同喃忽里可知哈梅里卽哈密宋晟

西討而晟傳言禽其王當是未斬又按列兒怯帖木兒疑卽安克帖木兒同居之諸王兀納失里蓋元亡後流寓者也
是否爾王
永樂二年封安克帖木兒爲忠順王迪北可之族未可知

汗鬼力赤

韃靼之酋見韃靼傳李光廷謂卽巴里坤誤也

毒死之兒子脫脫嗣四

年立哈密衛授頭目十九人爲指揮等官明年頭目作亂

命宋晟發兵防禦八年脫脫卒封從弟免力帖木兒爲忠

義王宣德元年卒命脫脫子卜答失里嗣忠順王年幼以

脫歡帖木兒嗣忠義王自是二王並貢其地種落雜居一

回回

大食國種

一畏兀兒

吐谷渾種

一哈喇灰

西州回鶻僕固俊之種

頭目不

相統王庸懦莫能制正統中瓦剌酋

即衛拉特準部

數侵之天順

中王母主國迤北酋亂加思蘭襲破其城王母率部落南

走苦峪

今安西州東南

成化初還故土以脫歡帖木兒外孫把塔

木兒爲右都督攝王事八年爲土魯番速檀

猶言盟主也

阿力

所破復徙苦峪十八年其王罕慎

巴塔木兒子顧氏利病書云王母外甥畏兀種

規復哈密八城宏治元年土魯番阿黑麻襲殺罕慎五年

訪求忠順王族人陝巴於安定衛納之六年阿黑麻襲執

陝巴八年甘肅巡撫許進自羽集也川

赤斤河舊名西潛吉木此其轉音

師倍道拔其城民窮難守散走苦峪及瓜沙州正德八年

王拜牙卽

陝巴子

爲土魯番脅降經略彭澤厚賂番酋索歸

城印不果嘉靖中瓜沙肅州屢被番寇廷臣借以傾疆吏

番酋滿速兒益驕許之通貢閉嘉峪棄哈密後有回回都

督寫亦虎仙之姪壻米兒馬黑木爲之長蓋土魯番所立

非忠順王裔迄隆慶萬厯猶比歲一貢天啟以後準噶爾

強逐土魯番所置哈密城長而額魯特諸蒙古遂來雜處

詢諸耆老云然

哈密遺民之南徙者分立伯克

猶言頭目也

五人於瓜

州采金以事準酋間與中國通市仍稱哈密

國朝順治四年哈密畏兀兒都督入貢請給敕印

祁氏藩部要略

作輝和爾東華錄作畏兀國都督帖木耳卜喇

六年甘州回將米刺印反其黨丁

國棟跳據肅州糾合塞外募回立哈密酋巴拜之子土倫
泰爲王遊擊張勇攻克之斬國棟土倫泰及哈密都督和
卓哈資纏頭回都督琥伯峰哈喇灰都督茂什爾瑪密畏
兀兒都督常胡里左都督帖密卜刺紅帽回右都督恩克
默特等遂閉關卻貢康熙三十二年準酋噶爾丹自烏蘭
布通敗後欲就食哈密昭武將軍郎談奏請討哈密廷議
哈密納賦於準部有年擊之不仁遣回子諭之三十五年
副都統阿南達出塞伯克額貝都拉奉表降明年遵
密旨誘執噶爾丹之子尋獻玉門瓜州諸地請
頒敕印世守哈密

上嘉其誠賜印纛章服立爲一等札薩克用其俗稱之達
爾漢號以其子郭帕爲伯克率百人屯肅州俾貢使及互
市得休息三十七年遣官赴哈密編旗隊設營旗章京參
領佐領各員於是哈密民始返故土眾伯克統歸一主哈
喇灰畏兀兒各名幾泯概稱纏頭回云舊說謂明季哈密
主來自葉爾羌藩部要略丁國棟叛後閉關絕貢順治八
年回目克拜稱哈密使請貢提督張勇弗
許十年吐魯番使請貢表署蘇勒檀賽伊特汗仍弗許十
二年克拜齎葉爾羌表以拜城薩嘛罕諸地使從表署阿
布都喇汗勇詰表異故克拜曰哈密吐魯番葉爾羌長皆
昆弟其父曰阿都喇汗居葉爾羌卒已久有子九長阿布
都喇汗居葉爾羌次阿布勒阿哈默特汗居吐魯番先二
年卒次蘇勒檀賽伊特汗嗣之次巴拜汗居哈密以得罪
天朝故爲葉爾羌長所禁阿布勒阿哈默特汗子代之次
瑪哈默特蘇勒檀居帕力次沙汗居庫車次早死次伊思

瑪業勒居阿克蘇次伊布喇伊木居和闐前自吐魯番請
貢故表稱吐魯番汗名今以葉爾羌爲長故表稱葉爾羌
汗或稱元裔康熙二十年吐魯番貢表署阿布勒穆咱帕
十五年復貢稱臣成吉思汗裔魏源謂其時回疆各城有
汗皆元太祖裔蓋康熙中準夷滅之非回教逐之準夷既
滅元裔并執回教或云回回康熙十二年吐魯番貢表稱
之長歸伊犁也或云回回馮木特賽伊特汗署一千八
十三年論者謂以摩哈默德成道之歲紀元據克拜言吐
魯番與哈密主同族因斷是回回保廉按西域各城戎種
雜居往往每種立酋一城數酋不相統屬入貢者輒尊其
同種爲汗抑異種爲臣轆轤難辨回民之畏教長阿彈甚
於官吏蓋元明之間摩氏教大行各城教長喧賓奪主權
過其汗汗黨上表則稱元裔教黨納貢則稱回王謂西域
當明季卽屬回酋固未可謂盡屬蒙古亦未確惟蒙古不
振後多化爲回族矣回鶻係唐時舊名縱無摩教亦可稱
回部摩教西來襲名曰回畛域未可盡信額貝都拉畏兀
易混此以教奔人國之奸巧也家君曾函詢哈密王

兒種人非蒙非回上溯四世無居葉爾羌事蹟

家君曾函詢哈密王

世系是否由葉爾羌遷來及明季各部族迄今有無分別
情形王答書略謂以額貝都拉爲受封始祖額貝都拉之
高祖伊薩敏曾祖博啟祖默默特雅爾父默默特夏伊四
世皆爲伯克以上無考然未聞明季由葉爾羌遷來之說
畏兀兒哈喇灰同奉摩哈默教衣服亦同初以白巾束頭
故稱白帽回後有用雜色者稱紅帽回各族久無分別惟
統稱纏頭回猶之江南江西統稱漢人而已卑部先世係
白帽回相傳多畏兀兒回子孫其唐代畱居中土改用漢
裝者謂之漢回亦呼回回奉教雖同而習氣懸殊纏頭回
模誠漢回狡猾自來變亂多由彼倡禍也哈密二字乃蒙
古語今纏回沿呼哈木耳卑部行回族文牘
用回字呈京外各省者用蒙古字由來久矣康熙四十八
年額貝都拉卒子郭帕嗣五十年卒子額敏嗣五十四年
策妄阿喇布坦率額魯特二千人攻哈密駐防遊擊潘至
善以二百人助城守肅州總兵路振聲赴援賊聞之遁五
十六年修築舊城周四里卽今回城雍正五年建漢城周里許駐員

外郎掌轉運事以屯耕有效晉封額敏鎮國公七年晉貝子時甯遠大將軍岳鍾琪屯巴里坤議墾塔喇納沁地十年噶爾丹策凌之黨色布騰率眾六千侵哈密員外郎永恆查斯海副將焦景竑有兵一千五百參將韓良弼率山西綠兵八百人禦卻之賊由黃蘆岡繞赴沁城四川提督顏清如防兵四千迎擊之賊敗由二堡遁歸十二年哈密部獻可耕地之錯屯營者

詔別給地畝銀兩及牛具穀種償之乾隆元年撤大軍還署甯遠大將軍查郎阿奏請畱兵五千分屯哈密三堡沙棗泉沁城等處五年貝子額敏卒子玉素卜降襲鎮國公

十年晉貝子十三年以前徙肅州金塔之吐魯番回民并

入哈密旗下十八年以賽巴什達里雅等處屯地概與回

民二十一年準部底定舊設汛哨之德都摩亥

今名上莫艾在沁城

東北一百五十里

圖古里克

沁城北百餘里

二地罷戍以與回部二十三

年王素卜率所部兵從大軍討二和卓木授領隊大臣駐

烏什以功累晉貝勒加郡王銜二十四年設辦事處辦二

大臣及副將設理事通判

裁靖逆通判移此

爲哈密廳

隸於安西道並駐哈

密三十二年道員還駐安西三十七年改屬巴里坤道四

十三年改鎮迪道移駐迪化而哈密屬鎮西府後隸於鎮

迪均駐漢城二十八年以王素卜爲葉爾羌參贊越三年
歸奏稱哈密生齒繁請分五百戶屯田伊犁王素卜卒于

伊薩克襲爵三十八年授領隊大臣赴伊犁轄回屯四十年卒子額爾德錫爾嗣五十二年

詔以郡王銜貝勒世襲罔替不必降等承襲嘉慶十八年額爾德錫爾卒子伯錫爾嗣道光十二年晉封郡王同治三年以助開渠工加親王銜署理哈密幫辦大臣既而南北路各城叛黨四出煽變八月二十九日夜半哈密漢裝回回馬兆強馬環等焚掠附城街市邨莊辦事大臣文祺新授烏魯木齊提督文祥副將王德溥及郡王所部回丁出戰斬兆強等千餘人餘黨跳走圖古里克郡王蒙

賞用黃韁九月初二圖古里克回匪馬添才戕稅局吏役

及漢人七十餘家南攻沁城郡王令章京巴海守備趙英
傑追捕至北山板房溝斬添才父子四年二月郡王患隴
右道梗奏稱由肅州東歷蒙古漠南地至山西歸化城往
還可百日請由此轉饟然臺站舊在漠北蒙古力疲不能
增設時哈密協標兵僅五百餘人安西協援兵二百人不
足分守纏回及漢民團丁雖衆未習戰陳吐魯番叛回數
來誘五月回匪黑老哇纏匪蘇布格等反辦事大臣札克
當阿中彈死賊毀漢城入回城脅郡王不得自便初肅州
護總兵德祥許以千人來援而肅回亦叛不克分兵五年
六月巴里坤總兵何瑄令遊擊凌祥來救攻拔回城賊遁

吐魯番

時兵餉阻塞日用糧食犒賞牛羊銀米等物皆郡王率屬搜括捐助七月

詔文麟爲辦事大臣奎昌爲幫辦道遠不果來

文麟丁艱在肅州管

糧臺奎昌在科布多

畱凌祥爲哈密副將郡王奏請由烏里雅蘇臺

將軍檄召明安郡王蒙兵五六百合巴里坤滿漢哈密漢

纏兵共攻吐魯番又數令人至肅州請提督成祿出塞皆

不果

時科布多參贊奎昌以防兵不敷亦請調明安部兵成祿屢奉

旨促令出關以肅州高臺賊盛飾詞逗畱至是令副都統明春率一營北來復因安西玉門被賊擾不能供應車馬

遂巡不行九月

命副都統景廉爲幫辦以甯夏迤西道塞奏請暫畱

在甯夏將

軍穆圖善營內

十一月纏酋蘇布格率南北各城通光

纏回呼漢裝回之稱